

671.1211
077
12

慶雲縣志

慶雲縣志目錄

昆明 戴絅孫 雲帆 編輯

邑人 崔光笏 慧田 參訂

卷之首

原序 姓氏 例言 圖說

卷之一

地理志第一

疆域 山川 里閭 古蹟

建置志第二

城池 學宮 官解倉庾附 關梁 街市

賦役志第三

戶口 賦稅積儲附解支

卷之二

祀典志第四

秩祀 羣祀 俗祀

職官志第五

文武題名 名宦

選舉志第六

進士 舉人 貢生 武科 例仕附武仕附

人物志第七

宦績 忠節 孝友 義行 文學 武功

卷之三

列女志第八

賢淑 貞烈 節孝

風土志第九

民俗 歲時 物產 災異

藝文志第十

譏述 詩歌

卷之末

雜志

軼事 舊聞 節墓

漏澤園附

慶雲縣志卷之三

昆明戴綱孫雲帆編輯

邑人崔光笏慧田參訂

祀典志範圍

秩祀

文廟之祀以春秋二仲月上丁崇聖祠及名宦鄉賢諸祠同之其祭儀一遵會典

社稷壇在縣城西北壇四面各廣二丈五尺高三尺一成四出陛各三級燎以周垣其祭日以春秋二仲月

風雲雷雨山川壇在縣城南壇制與社稷同祭之日亦同

先農壇在縣城西南爲地四畝九分壇高二尺一寸廣
袤各二丈一尺其祭以季春亥日

厲壇在縣城西北社稷壇之右歲以清明七月望十月
朔日祭

城隍廟在縣治西鳴珂街北歲春秋二仲月合祭於風
雲雷雨山川壇其祈禱雨暘均於廟中

名宦祠古今所祀十人唐滄州刺史薛大鼎明知縣楊

恩義張彪宋漢文森杜玩李宋葉時敦王之寀 國朝
知縣張必科

鄉賢祠古今所祀八人後唐平章政事李愚宋應州觀察使張昭遠工部尙書李之純朝請大夫李之儀明副萬戶將軍齊秉節四川左布政使加兵部尙書甄實山西布政使胡欽四川兵備副使張問之

羣祀

文昌之祀春以仲月三日秋俟欽天監諭日而祭祭奎星閣卽附於春秋二仲月上丁

關公廟祭以春秋仲月卜吉暨五月十三日其廟在縣治西南隅

龍神廟在縣城東南歲以春秋仲月祭

火神廟在縣西門內歲以春秋仲月祭

八蜡廟在縣城內儒林街西歲以十二月朔日祭附祀

劉猛將軍一馬神廟在其前春秋月上戊日祭

土地祠在縣治儀門東戊日祭獄神祠在獄內

旗纛神以驚蟄霜降日祭於演武場

藥王廟二二在太僕寺街前一在棗園橋

真武廟二一在縣城內鳴珂街一在東關外拱辰街

三皇廟在棗園橋

東嶽廟一曰天齊廟在東關外相傳建於唐代門前有
丈八古槐

泰山行宮祀碧霞元君在西關外比邱尼居之歲孟夏
孟冬兩月香火甚盛游人雜還亦名西山卽八景之一

俗祀

寺觀之設非古也然旣爲習俗所難移姑識之其在縣
治西南者曰天宮寺規模宏敞建於唐太和中元至大

四年明成化四年 國朝乾隆四十五年先後重修今
圮改建五楹僅蔽佛像縣治東曰白衣閣閣之後爲二
郎廟建於元又一廟在姚家莊三官廟二二在西關外
一在紀王橋北其在東關外迤南者曰嬪嬪廟祀西陵
氏今廢北五里曰王母廟東至黃邱曰觀音菴距東南
四十里曰楊和尙寺其在縣城南八里高墓臺者曰玉
皇廟南詎縣城二十五里紀王橋北者曰石佛寺距縣
城四十里菅家莊西者曰德安寺有玉石佛像二西南
十二里分水鎮西河壩曰金山寺久廢在西關外者曰

白衣菴又西曰三清廟又西曰禎祥觀迤南曰凌雲閣
一名玉皇閣其在板打營北者曰興隆寺宋治平時建
在崔家莊者曰九聖祠在石官堂者曰張仙祠在周家
莊者曰鐵菩薩廟在撒家店者曰古佛寺又在張廷實
家店者曰地藏寺今亡矣

職官志第五

文武題名

前志載元至正初達魯花赤耳里勝縣尹劉道修主簿孔浩縣尉史從志典史

李祥瑞教諭王伯淵今存其名而志職名自明始

縣於元爲無棣設達魯花赤一員縣尹一員主簿一員
尉一員典史一員教諭一員明設慶雲縣知縣一員縣
丞一員主簿一員典史一員教諭一員訓導一員永樂
時裁丞簿正統初復增設縣丞理馬政正德時裁成化
間又增設主簿勸農滿九載裁嘉靖三十九年裁訓導
國朝設知縣一員典史一員教諭一員訓導一員康熙

三年裁教諭尋復設武職則慶雲汎把總一員屬天津
鎮標右營遊擊馬兵六名守兵二十三名馬八匹每歲
六百九十兩五錢三分五釐內惟俸銀加閏扣小建
炮四尊火藥鉛子三百二十四觔九兩三錢又醫
學訓科一人陰陽學訓術一人並久廢僧會司僧會一
人道會司道會一人

知縣

明楊思義

元至正末任至洪武初附明

李端

舉人洪武十二年任

王恭

河南淇縣人舉人正統二年任

李文輔

舉人正統五年任

趙亮

山東兗州府人正統十年由典史陞任

郭增

山西代州人天順三年任

張彪

河南磁州人歲貢成化二年任

唐瓊

湖北武昌府人歲貢成化二年任

宋漢

山東膠州人進士成化十五年任

文森

江南常州府人進士宏治四年任

杜玩

山東濰縣人進士宏治十二年任

孫輔

河南閻鄉縣人歲貢正德三年任

羅檜

山東新泰縣人舉人正德八年任

馬馴

舉人嘉靖元年任

姚繼先

歲貢嘉靖五年任

李世臣

河南儀封縣人舉人嘉靖九年任

翟表

湖北江夏縣人舉人嘉靖十五年任

李華

雲南大理府人舉人宏治七年任

趙廷麟

山東鄒縣人

龐廷輔

舉人宏治十六年任

蔡維藩

江南盱眙縣人歲貢正德七年任

解汝

舉人正德十一年任

劉鵬

舉人嘉靖十七年任

趙象泰

江南太平府人嘉靖二十年任

李中虛

舉人嘉靖二十三年任

鄭道夫

歲貢嘉靖二十六年任

李宋

河南陳留縣人舉人嘉靖二十八年任

羅賢夫

歲貢嘉靖三十一年任

杜爵

陝西興平縣人舉人嘉靖三十二年任

熊芝

山東高唐州人舉人嘉靖三十五年任

汪瀚

舉人嘉靖三十八年任

楊正冠

江南嘉定縣人歲貢嘉靖四十年任

許漸

山東長山縣人監生嘉靖四十三年任

熊傑

山東益都縣人舉人嘉靖四十五年任

譚安之

山東濰縣人舉人隆慶三年任

劉應兆

山東鄒城縣人舉人隆慶五年任

馬任仁

萬曆元年任

薛居方

山西河津縣人舉人萬曆三年任

柯一泉

江南貴池縣人歲貢萬曆四年任初修縣志